




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393419 v.36

國家圖書館, NATIONAL CENTRAL LIBRARY, TAIWAN, R.O.C.





國權

嘉靖三十三年甲寅

正月壬寅朔 上不朝

禮科都給事中張思靜等疏賀萬壽字平失禮頭各杖四十

丙午陝西城固地震

丁未孕顏厲夷寇桃林關叅將李意購禍首通漢械於邊

壬子康妃杜氏薨大興杜林女裕王之母也禮部尚書歐陽

德等議喪禮累朝皇妃或未生皇子或子非居長而受封之

國權



嘉靖三十三年

一

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



國或子直為東宮而先薨俱與今不同惟成化中淑妃紀氏
薨所生皇子倫序居長與今事相類但彼時 孝宗尚幼而
今裕王已婚宜持服主喪送葬乃議輟朝五日裕王遵孝慈
錄斬衰三年其儀仗人數視舊有加 上覽之不悅輔臣以
洪年七年 太祖命吳王橚服貴人孫氏例對彼慈母猶爾
况生母乎 上命考賢妃鄭氏例以聞德等復上儀注制可
冊謚榮淑康妃舊儀司禮監官拜上酒聽讀祝至是平立不
拜尊 上命也
巡撫河南楊宜為南戶部右侍郎總督糧餉

禮部右侍郎徐可成廢其徒咎義金太常典籍


戊辰倭自太倉潰圍出海轉掠蘇松

賜彛顏衛都督影克衣幣

己巳吏部郎中楊載鳴賤將樂典史時安慶推官郭來朝內
召被劾削籍責吏部之濫尚書李默等捧奪三月

二月壬申朔許寧府支屬樂安弋陽建安諸王祭始封獻王
祭酉裁韓府襄陵王融焚奉祀安惠王樂戶部議親王薨絕
不宜以郡王奉祀也

乙亥贈故歸德府檢校董倫同知柘城貢士陳間詩鳳陽同



知倫大谷人師尚詔之亂巷戰死妻賈氏及從子皆遇害賊
重聞詩劫脅之偽諾絕粒三日縊于鹿邑

甘肅蘭州地震

癸未南刑部尚書顧應祥罷去年論囚得報踰冬至二日竟
決之南御史李尚智論當覆請遂予致仕

甲申兵部右侍郎余溥為左侍郎總督陝西兵部右侍郎賈
應春還部山東左布政使汪大受為右副都御史巡撫湖廣
甘肅總兵官王繼祖巡撫王誥以降人王真率百餘人出塞
搗虜那木孩巢斬三十三級

襄陵王府奉國將軍偕沐手刃輔國將軍旭檜賜死

丁酉故戶部尚書督理西苑農事臨汾張潤贈太子少保謚

恭肅

倭患械應天巡撫彭黯下南京法司劄籍黯時進工部尚書

戊戌安鄉伯張坤卒

己亥甘州地震


參將盧鏜敗倭于史家浜焚其舟無遺

三月辛丑朔工部左侍郎陶尚德為南刑尚書巡撫遼東江東
為兵部右侍郎總督陝西三邊軍務

國權

嘉靖三十三年

三




代府饒陽王克駿奪爵幽鳳陽克駿利口捷給數侵代王廷
琦假言邊事陷巡撫何思搃兵徐仁又數訐代王及巡撫侯
鉞奏奪祿抗不肯承遣司禮少監王瑜即訊始盡得其奸
甲辰南兵部右侍郎屠大山調兵部右侍郎兼右僉都御史
總理糧儲提督軍務兼巡撫應天

丙午工部右侍郎陸杰兼右僉都御史督理顯陵
丁未寧夏地震

乙丑吏部左侍郎王用賓為禮部尚書
庚午工部右侍郎郭銓為左侍郎南刑部右侍郎盧勳改工
部右侍郎陝西左布政使唐時英為副都御史巡撫陝西
都司劉恩星指揮張四維以舟師追倭于岳山斬二十級
尋合指揮潘亨追剿擒三十餘人倭自赭山渡江至曹娥涉
三江瀝海直走定海之王家團復據普陀山焚劫海鹽龍王
塘乍浦長沙灣嘉興嘉善參將盧鐘與把總劉隆潘昂邀于
石墩洋斬二百餘級參將俞大猷勦普陀山倭半登賊突戰
死亡三百餘人海盜蕭顯敗于慈溪

四月壬申編脩潘晟為侍讀

甲戌封載域華容王載垣延津王高樞弘農王倪煥真寧王



嘉靖壽陽王謨塙通渭王致批玩陵王憲赫廣元王載塙金溪王多焜弋陽王

乙亥都人大疫設藥散米賑之

始雷初 上諭禮部雷未發聲並脩省

湖廣衡永間盜起

倭自海鹽趨嘉興參將盧鏜戰于孟家堰喪卒千有四百七

十五人指揮李元律千戶薛綱宋應瀾等死之乘勝據海寧

石墩山都指揮周應禎擊之亦敗沒

戊寅西安山丹永昌等地震

倭陷嘉善廣西百戶賴榮華死之

辛巳禮部左侍郎兼學士閔如霖署院

倭攻嘉興城兵巡副使陳宗夔禦卻之分犯平湖海寧

壬午秦州地震


吏部左侍郎葛守禮為左侍郎禮部右侍郎郭朴為吏部右

侍郎南大理卿張鏊為工部右侍郎

倭薄南通州城揚州衛千戶洪岱文昌齡泰州所千戶王烈

來援通州至西門三里橋敗沒參將解明道守通州卻之有

鄉人曹鼎勇甚屢殺倭功第一竟戰死倭屯掘港恣掠守備



張壽楊縉先後失利

癸未改射所于宣武門外故地為演象所

乙酉 榮淑康妃葬金山

倭夜犯崇明殺知縣唐一岑贈光祿寺丞子祠廕

丙戌秦州禮縣地震

戊子慈谿民家地涌血水忽高丈許

癸巳諭閣臣宣大總督蘇祐年老罷之進應春為兵部左侍

郎兼右僉都御史提督宣大

虜寇宣府嵩峪等堡

乙未太原大同地震

周府清和王睦板蕘謚榮僖

丁酉錄外城工勞內官監少監郭輝廕錦衣百戶進平江伯

陳圭太子太傅錦衣左都督陸炳太保各廕百戶兵部尚書

聶豹太子少傅工部尚書歐陽必進太子少保各廕子入監

兵部右侍郎許論為左侍郎指揮使朱希孝進都督同知

虜自宣府柴溝堡潰墻入大掠而去


戊戌工部右侍郎盧勳兼右僉都御史督脩顯陵

海鹽王直巢柘林連絡二百里一趨太倉一趨崑山

國權

嘉靖三十三年

六



虜寇雲州赤城毀堡二十餘座殺掠人畜

五月庚子朔南吏部吏右侍郎茅瓚改禮部右侍郎脩撰沈坤為南右春坊右諭德署院事

辛丑災傷折淮安漕八千六百石

壬寅倭自崇明薄蘇州大掠

癸卯安置薊鎮降夷一百四人于南方

丙午山西和順人左文英獻瑞兔賜金幣

丁未倭陷崇德縣大掠而去

己酉戶部右侍郎謝九儀改兵部右侍郎

庚戌設整飭淮揚兵備湖廣副使張景賢專理海防駐泰州

壬子兵備左侍郎賈應春仍提督陝西三邊協理戎政兵部

左侍郎許論兼右僉都御史總督山西宣大

議遣叅將李逢時以山東民兵三千人勦南倭徐階言其怯


劣宜改選

夜月食

虜寇丙辰水溝墩寧夏叅將王寶拒卻之

丁巳倭患南京兵部尚書張經兼右副都御史總督浙直山

東兩廣福建軍務便宜從事



戊午巡按山西御史宋儀望言桑乾河源出金龍池下甕城
駟古定橋會衆水東下蘆溝約十餘里在大同則卜村稍有
亂石在宣府則黑龍灣有石崖頗險其險與亂石僅四五十
里水淺處亦二三尺為力甚易撫臣侯鉞嘗乘小舟至懷來
過卜村踰黑龍灣皆坦行無虞更自懷來載米三十石逆水
而上竟達古定橋則河足便漕明甚又都御史趙錦嘗使人
從桑乾河水行千里直抵大同城下誠令疏鑿不惟通漕舡
而河水深廣又可以捍胡虜乃兩利部議以重役竟寢其
庚申倭攻江南如臯不克主簿閻士奇敗之東陳鎮已薄城

值潁州兵擊敗之

辛酉左副都御史倪嵩為戶部右侍郎兵部右侍郎謝九儀

協理京營戎政

增泰興把總防守周家橋

癸亥夜彗見北斗天權星旁


甲子命福建道御史溫景葵兵部主事張四知募兵山東

倭禦

乙丑議招海盜王直兵科都給事中王國楨言非是兵部以

王直本徽州人同徐惟學李大用入海已悔之嘗捕寇自贖

有司不急收之遂貽大患臣等欲倣岳飛之收楊么黨黃佐



故事即降直無害 上信國楨言令張經一竟勦賊彼脅從
宥之戎首不赦

設遷曰招盜非策也半東南之盜而盡之殲于何日古人
宥脅從誅渠魁權固有在王直亡命海中其机智足用久
困波濤島嶼間悔罪固未有路耳然盜為我用必我之控
縱出尋常籠絡之外始足以絕其邪心制其死命朝廷徒
下尺一付之齷齪庸臣適開悔弄之資本兵聶貞襄欲以
岳飛之收黃佐望于王直吾謂先得岳飛其人則不患無
黃佐也

丙寅選授陳耀文朱文漢高敏學紀公巡撫守經袁世榮孫
濬湯日新為給事中楊惟平嚴杰文希儒侯東萊符允中黃
正色楊儲曾承芳王用康李正彛沈陽屠仲律為試御史文
漢東萊仲律希儒並南京
山東益都地震

六月辛未庚午朔彗行西北犯文昌


壬申順天府尹雷禮為工部右侍郎大理寺卿沈良才為兵
部右侍郎

復江南管河郎中尋責成巡撫罷之

國權

嘉靖三十三年

九



藉京師原募民兵充巡捕官

癸酉虜前餘騎犯五堡大同左衛威寧等處搃兵岳懋適巡邊迎擊之至青屹塔陷伏死之贈少師左都督謚壯愍世廕指揮使立祠

兵部尚書聶豹言虜勢不啻風雨而鎮卒疲困今欲與抗徒覆亡無益夫本折相兼按月給糈祖宗舊制苟為不復是孤注兩鎮也其何以覆盃三輔于是命遣御史覈議邊餉

已丑夜彗行近濁而汲

械前宣大搃督蘇祐大同巡撫侯鉞削籍刑部右侍郎陳儒

兼右僉都御史賑大同饑發帑金五萬搃督許論暫兼理大同巡撫

壬辰改王忬右副都御史巡撫山西督理軍務徐州兵備副

使李天寵為右僉都御史巡撫浙江及福興漳泉提督軍務

甲午定土官襲秩納粟折銀例如宣慰使粟千石納五百金次五百石納五百金自知府下各有差免其赴京

乙未京師大雨水平地水深數尺


王田伯蔣榮祭裕陵不克至命七月補祭以大水故也

丙申南刑部右侍郎沈應龍劾免

國權

嘉靖三十三年

十



丁酉增揚州府同知駐瓜州捕盜


總督宣大兵部左侍郎許論上言大同地勢平行固戰場也先年乘障列師千里不敵風日于是守臺之說起矣然臺列垣內而賊攻垣則臺難顧臺連垣建而賊登垣則臺易潰是二者猶石田矣烏所用哉若臺于垣外賊至則烽攻則夾擊少頃則堡兵至次則援兵亦集四面合勢彼能從天下乎賊攻臺亦如之臺垣相扞緩賊勢壯士胆明烽火便稽覈大約大同不過建臺六百費九萬餘金而所省調集百萬從之七月庚子發帑金十萬賑宣大

番賊糾倭人入寇廣東官軍擊敗之

壬寅福建左布政使劉宋為右副都御史巡撫山東南京國子祭酒尹臺改北

丙午倭自蘇州掠嘉善轉趨松江出海參將俞大猷敗之吳淞所斬百十三級擒七人

戊申西苑產嘉穀三穗雙穗一百餘本鄭府盟津王子祐檮復獻七十八本告太廟
已卯倭遁出金山洋指揮任錦邀擊之銅礮斬三十八級擒十三人



丙辰司業林廷機為南祭酒

戊午駙馬都尉鄔景和安平伯方承裕吏部尚書李默禮部尚書王用賓左都督陸炳並直西內署詹事府吏部左侍郎程文德署翰林院禮部左侍郎閔如霖吏部右侍郎郭朴吳山並撰玄文

辛酉秦府沂陽王秉榛薨謚莊靖

癸亥量蠲浙直兵荒田租

乙丑張經徵田州歸順南丹東蘭那地狼兵五千人禦倭起貴州提兵白滋廣西都指揮鄒繼芳為游擊將軍

丙寅徽府嘉定王厚燁薨謚宣惠

戊辰免大名內黃水災田租

八月己巳朔脩江南如臯海門泰興鹽城海州等城

辛未萬壽節恩進徐階太子太傅武英殿大學士李本太子


太保文淵閣大學士嚴世蕃工部右侍郎治部事嵩以任子

辭朱希忠陶仲文各廢錦衣百戶

甲戌趙府襄邑王厚壩薨謚端順

乙亥虜數萬分道寇平虜衛

故禮科右給事中錢薇卒浙江海鹽人嘉靖壬辰進士自行



人擢垣中敢言以論郭勳刺宮僚削籍隆慶初贈太常少卿

庚辰虜至山西朔掠六日

辛巳故江南崇明知縣唐一岑贈光祿寺丞廣西人貢士

癸未柘林倭攻嘉定募兵參將李逢時許國以山東募兵六千人戰新涇橋敗之賊退據羅店鎮追及之擒斬八十餘人

乙酉虜出朔州

丁卯巡撫應天兵部右侍郎兼右僉都御史屠大山劾免

已丑命戶部市龍涎香


庚寅起周琬右僉都御史總理糧儲提督軍務兼巡撫應天

撫治鄖陽右僉都御史張舜臣為南京大理寺卿

山東兵追倭至採淘港乘勝深入賊僅數舟蒙絮被射之不
動忽蘆葦中十六人橫力躍出我兵大潰殺溺千餘人初新
涇之捷李逢時功最許國媿之乃別從間道進欲分其功會
大雨指揮劉勇千戶孫升胡應麟鎮撫李繼孜等先敗沒諸
軍繼之倉卒不整遂大敗

乙未虜寇宣府小白楊堡雲州鵬鶚永寧懷來時軍士逃亡
其半搃兵劉大章畏虜不敢戰遙望數日引軍而歸

丁酉免順天水災田租



增南京新江口兵舡二百艘向四百艘

戊戌增夏光都指揮同知

九月己亥朔免蘇松常鎮田租

庚子套虜屢患邊摠兵姜應熊委千戶孟鸞以千人至紅井
值之斬一百四十餘級

辛丑湖廣左布政使馮天叙為右副都御史撫治鄖陽

乙卯倭七十餘人犯海門兵備副使張景賢殲之

丁巳罷提督軍務都督僉事時陳

己未虜寇平虜衛城官軍擊走之斬百七十級

竊武昌漢陽承天德安荆岳黃州旱租

岷府遂安王譽釋薨

辛酉署都指揮僉事神機營副將趙卿提督軍務駐懷來

壬戌故吏部尚書熊浹卒字說之江西南昌人正德甲戌進

士授禮科給事中以議禮見知自河南叅議召擢右僉都御

史在吏部薦箕仙削籍少有志節自守甚嚴持議侃恬于

寵利始終進退有大臣風隆慶初復官贈少保謚恭肅


暹羅國王勃略坤息利尤池呀來貢

摠督京營戎政平江伯陳圭兵部尚書聶豹爭班軍職掌命

國權

嘉靖三十三年

十四



歸之戎政

駙馬都尉鄔景和削籍景和直西苑辭玄文不習 上不悅
時有事清馥殿聞罷直即先出領賞疏辭乞洗心滌慮以致
他日馬革裹屍啣環結草之報 上摘其裹屍為怨訕奪爵
安置崐山時諸臣覲撰文玄榮進景和獨不屑直贊諸臣方
之負媿多矣

癸亥倭患罷浙江貢鮮

給山東翰林五經博士曾氏土田

乙丑免保定水災田租

東虜把都兒打來孫等數萬眾自虎頭山突犯潮河川龍王

峪搃兵周益昌馮瑒禦之

丙寅益昌擊虜多傷又虜攻沙嶺孤山俱不克

丁卯虜北古北口又犯大同平虜衛

十月己巳發帑金勞薊鎮守牆吏卒 上聞警令偵騎伺之則

搃督楊博搃兵周益昌擐甲登陴宿止塞垣上守甚力 上

悅庚午虜遁楊博募死士潛入虜營夜齊發虜驚擾徹旦


壬申械前巡撫應天屠大山叅將許國李逢時副搃兵官解


明道至京大山削籍國等論死罪禦倭失事也

國權

嘉靖三十三年

十五





甲戌妖賊呂鶴通虜就擒提督許論進右都御史仍提督

乙亥虜犯海門健跳所松門關薄于靈門台州知府宋治與

把總劉堂太平知縣方輅擊敗之

上諭停刑

丙子晉府靖安王表秩薨謚端僖

廣東撫按請存問前南京吏部尚書湛若水九十報寢

陝西蘭州地震命大同墻外增築墩臺

丁丑刑部左侍郎王學益為南右都御史編修董份為右春

坊右中允署司業

戊寅海盜犯廣東潮州指揮黑孟陽以舟師殲之

辛巳改張經右都御史兼兵部左侍郎提督軍務討賊解兵

部任南吏部尚書周延改南兵部尚書

癸未夜金星見

浙倭續至萬餘人分掠樂清黃岩東陽永康等縣

戊子賑宣大侍郎陳儒還部

壬辰倭三千餘人自金山突掠西海口

甲午告南北之捷于郊廟社稷

十一月戊戌朔德府臨朐王厚燦薨

國權

嘉靖三十三年

十六

癸卯提督薊遼楊博進右都御史兼兵部侍郎提督宣大許
論兵部尚書兼右副都御史各廕錦衣千戶薊遼提督周益
昌山西韓承慶各都督同知廕本衛副千戶巡撫薊鎮吳嘉
會山西王崇古各兵部右侍郎廕子太學宣府提督兵劉大章
右都督巡撫劉廷臣右副都御史大同巡撫王忬兵部右侍
郎餘陞賞有差

進安平伯方承裕兵部尚書聶豹並太子太保吏禮部尚書
李默王用兼太子少保
前南京工部右侍郎歐陽璽卒

戊申吏禮部尚書李默王用賓俱兼學士侍郎郭朴吳山俱
兼侍翰讀學士


己酉方炳嗣南和伯 方東之子

山東濮州地震

壬子勅提督湖廣川貴馮岳節制容美十四司容美田世爵
與把隘土官向元楫仇殺故有是命

甲寅倭犯松江青村所官兵禦之不克

戊午刑部右侍郎陳儒轉左南兵部右侍郎蔡雲程改刑部
右侍郎四川巡撫張臬為南刑部右侍郎



庚申逮禮部郎中聶靜廷杖削籍冬至表賀復馮不敬

壬戌柘林倭分掠嘉湖

甲子順天府尹扈永通赴任失期降河南按察副使

提督兩廣兵部右侍郎鮑象賢為南兵部右侍郎太僕寺卿

羅廷繡為右僉都御史巡撫四川

倭二百餘人登海門港趨台州仙居新昌嵊縣屯于紹興柯

橋村署海道副使陳應魁參將俞大猷率會稽典史吳成器

擊敗之

十二月丁卯朔陝西階州地震

總督陝西賈時春進右都御史夏寧總兵姜應熊為都督同

知巡撫王夢弼為右副都御史餘陞賞有差錄禦套虜之功

戊辰崇信伯費煇卒

司禮太監黃佐錦衣左都督陸炳各陞錦衣百戶廠衛錄緝

獲之功

壬申禱雪

癸酉永康侯徐源卒


南贛巡撫設愷為兵部右侍郎提督兩廣兼理巡撫


甲戌遣還山東民兵

國權

嘉靖三十三年

六





調永順宣慰使彭明輔保靖宣慰使彭蓋臣各兵三千剿倭

乙亥龍潭安撫司叛夷黃俊就擒施州平

丁丑夜月犯畢宿

戊寅都下盜起 詔前貴州提兵官沈希儀松潘副提兵何

卿各屬率私屬聽經勦倭

己卯司禮太監黃錦等乞免核各監局匠役許之

辛浙已江領兵僉事羅拱辰改寧紹台兵備專駐紹興

癸未南京光祿寺卿汪尚寧為右都副御史巡撫南贛汀漳

兵部尚書聶豹請申飭督撫繕城治械守要害練土著明賞

罰及有司去留甚者軍法從事 上是之豹初盛稱南北戰

功謝玄受賞及警甚虞謹故言此避責

戊子錦衣衛南鎮撫司管司事許瑒指揮僉事郭朝廉俱錦

衣衛僉書

己丑大風霾

代府吉陽王聰注薨 平西大丞相孫承宗督勦敵酋

太保提督京營戎政平江伯陳圭卒贈太傅謚武襄

庚寅倭陷松江府青村所

南京兵部右侍郎鮑象賢劾免

國權 嘉靖三十三年

十九

五月二十日
福建福州府地震
癸巳鎮遠侯顧寰復總督京營戎政
增整飭昌平兵備僉事
甲午英國公張溶安平伯方承裕左都督陸炳請賜乘肩輿
許之不為例

福建福州府地震

癸巳鎮遠侯顧寰復總督京營戎政


增整飭昌平兵備僉事

甲午英國公張溶安平伯方承裕左都督陸炳請賜乘肩輿

許之不為例



國家圖書館, NATIONAL CENTRAL LIBRARY, TAIWAN, R.O.C.



國權

嘉靖三十四年乙卯

正月丁酉朔 上不朝

板七

益官設選孺木著

下浦海寧攻陷崇德趨杭州復攻德清殺把總梁


奎孫智百戶陸陵周應辰副理問陶一貫

左府豐潤伯曹松專督孝陵防護南京中府僉書

事萬表提督漕運鎮淮安

左都御史屠 向卒浙江鄞縣人正德辛未進

國家圖書館, NATIONAL CENTRAL LIBRARY, TAIWAN, R.O.C.



保定累遷刑部自免尋起官歷任四十餘

正聞居常退遜若不勝臨事敢為贈少保謚簡肅

邠左侍郎陳儒核宣大侵沒屯田宣府四千五十餘

百八十餘頃定則起科

四達府尹李珊

京師大水停内外匠作

癸丑改保定提兵官署都督僉事歐陽安充提兵官鎮守宣

府命紫荆關叅將祝福改副提兵鎮守居庸昌平

庚申南兵部尚書周延為左都御史南工部右侍郎張鏊改

癸未朱法襲五經博士

增常鎮兵備副使叅將各一

乙丑前兵部左侍郎張時徹為南兵部尚書巡撫雲南孫世

祐為南工部右侍郎


伏誅

顧寰工部尚書吳鶴脩山陵橋垣

膠萊河議初御史何廷鈺請疏濬下山東撫按

廷上言新河鑿自元時南北通海口自淮安風順

和然馬家濠未山于元人分水嶺又高阜礪礪



者石多為阻議者輒難之臣竊觀副使王憲用火鋸鑿
尋遷去不果竟分水嶺寔白河至此分流相地
諸灘瀨人力可施頃須奉命往度估費百六十
訂擬以所估三分之先給其一歲終摠會几何則
布白現張魯諸河其水多沙膠河源稍盛又不能
達分水嶺以南通引海潮新河所在處高鑿必八九尺深方
可平恐泉溢人難住足是以司道諸臣慮及于泉源不足而
議築閘壩時潑泄又慮山水驟發輒為敗臣愚以為事有可
成亦何惜工費但詢謀貴同乞下部酌行止有旨報罷

丙子陝西階州地震

開密雲白河濟漕運

丁丑山東巡撫王崇古為兵部右侍郎

前大同提兵吳瑛坐奸欺下法司遼東提兵趙國忠劾免

毛重器卒

何懷來龍門等城

兵部尚書王崇慶改南吏部尚書四川左布政使周


副都御史巡撫雲貴南

甲申代斥溫城王俊校覈

國權

嘉靖三十

三



丙戌工部右侍郎趙文華祭告海神兼察視江南軍情由嚴

益馮寵納賄戰士解體徵兵半天下賊勢更甚高引

罪也

即茅瓚祭酒尹臺並改少詹事兼侍讀學士同撰

戊子禮部左侍郎閔如霖改吏部左侍郎署詹事府洗馬兼

脩撰郭盤為祭酒

辛卯脩南京城

壬辰災傷折淮揚漕十之三

甲子右春坊右中允董份還坊

兵部尚書聶豹免推薦多不當 上薄之諭嚴嵩等豹年老

不勝任遂引疾閑住豹嘗守松江識徐階于微音故庚戌階

力薦之不二年遽進本兵其人無他長尤不知兵非聖明自

之南還阻倭姑蘇或問策舉益氏制梃槌秦楚之

天

駟入馬蘭峪寬佃谷叅將趙傾葵指揮褚文明李湘


戶黃世勳段啟元百戶孫世爵同敗沒搃兵周益昌

自建昌營馳援分據關隘虜不意大兵至遽引去餘眾多棄

國權

嘉靖三十

四



馬募產而走獲二十餘級馬四百二十餘匹贈傾葵都督同

千戶謚忠壯

朔提督薊遼保定右都御史楊博為兵部尚書

西姚安府通判

木大韶改南京司業

簡山東河南民兵三千人入衛餘班軍徵金助邊

辛丑廣東高州地震壬寅山東沂州地震

大同巡撫王忬為兵部左侍郎提督薊遼保定

倭五千餘人登上海董邦政戰浦東陸氏園不利有紅衣賊

躍為舞刀甚銳防兵陳銳斬之賊懼退邦政立拜瑞千戶

癸卯湖廣藍山縣徭賊平

甲辰陳王謨嗣平江伯陳圭之孫

四川右布政使齊宗道為右僉都御史巡撫大同

山西郭尚儒等平

松海防僉事董邦政四品服俸金幣以勸倭功也

知縣蔡本端下法司戍邊


苑作神應軒

甲寅李和尚寧安公主

國權

嘉靖三十四

五



勅湖廣鎮守參將以兵移駐五溪長官司

備僉事任環督參將解明道等以舟師敗倭于南沙
一百有八級

同指揮使薛泰贈都督僉事祔岳懋祠廕正千戶

高拱為侍讀

癸亥陝西固城縣地震

命清理四川鹽法

虜寇大同右衛山陰懷仁

四月戊辰廣西田州土官婦瓦氏土狼兵應調至蘇州瓦氏岑

彭妾也整暇善兵總督張經以分屬俞大猷等殺賊奏聞詔

賞瓦氏及其孫岑大壽大祿

盡還民兵罷前兵部郎中張重罪其役占

俞大猷以狼兵擊倭于曹涇敗績喪二千餘人賊初畏狼兵

後大掠

江南通州餘東場海門東夾港流劫狼山利河呂


江倭突入通州南門

遼東塞外屬夷孫贖穩克等俘斬北虜賞之

國權

嘉靖三十四

六



戊寅諫雲南鑄錢凡兩廣福建山東產銅者俱如之

部員外尚董往雲南劾免

叩左侍葛守禮為南禮部尚書

旂將軍二百三人留一千二百八十六人

辛 浙江監察御史胡宗憲請移檄日本國王詰叛夷

許之

濬蘆溝河

壬午宣府西路叅將馬芳移大同東路叅將

前南京工部尚書彭黯卒安福人正德癸未進士

癸未永順宣慰司官舍彭翼南保靖宣慰使彭蓋臣各兵三

千人致仕宣慰使彭明輔等兵二千人俱至松江府

定破倭賞格

叙兩廣武功進摠兵定西侯蔣傅太子太保提督侍郎鮑象

血餘陞賞有差

金山衛摠兵官俞大猷游擊白泣以田州土兵禦

賊遂犯浙江


邊口堡宣府叅將李光啟禦之兵潰見執索贖光啟

奮罵死指揮黃添祥尚真蔡陞千戶郝廉賈壘尚志百戶郭

國權

嘉靖三十

七



勳王永皆遇害贈光啓都督僉事添祥真陞俱贈都指揮

京吏部尚書王崇慶致仕

用鹽城縣

漕運兵部左侍郎鄭曉為吏部左侍郎

鉅荆王定燿岷王定煥善化王翊銘德世子宇清

郟城王胤挺定陶王朝垣華亭王睦株封邱王

三丈浦倭賊分掠常熟江陰村鎮兵備副使任環以保靖土

兵及知縣王鈇指揮孔燾合破之斬百五十餘級奔江陰

已丑江西進陶器色淺以饒州同知楊錫文通判陳煉下巡

撫訊之

倭掠常熟西境

辛卯川沙窪倭出海官兵燬其巢游擊白泣邀于戚家墩斬

三十七及

海防叅政張景賢敗倭于狼山

攻金山衛禦邵之再至俞大猷擊之斬三百人

刑部左侍郎陳儒為右都御史提督漕運撫鳳陽

倭千餘人流掠李塔灘張庄小崑山趨泖湖而北保


靖宣慰使彭蓋臣拒之蘇抵州六涇壩突犯嘉興提督張經

國權

嘉

丁

八



以我將盧鏜往保靖宣慰使彭蓋臣戰石塘灣敗之走王江

又大敗之斬一千九百八十餘級奔溺甚衆自倭患

功為最

侯宋良臣卒

提學副使陳棐請自領冀北道試士初大同虜警

失試士遂奏以冀北分巡道攝之至是從棐請

戊戌川沙寇倭賊流劫周浦泗涇北薛山兵備僉事董邦政

游擊周藩追擊死之賊屯于古塘橋劫崑山之石浦鎮

庚子鳳陽大雨雹壞田舍

辛丑南京兵部右侍郎張鏊改刑部左侍郎

癸卯裁上林苑監蕃育署丞

甲辰徐喬松嗣永康侯 徐源之子

倭自山東日照流劫東安衛至淮安贛榆又倭突登呂四場

李政擊斬四十五級殲之

千餘人突犯蘇州青村所攻城不克自焚其舟流

刑倭大至南沙烏口浪港皆登掠合肥犯蘇州婁門南


周于德來援而敗鎮撫孫憲臣死之賊分部一自齊

歷澣墅一自胥門木瀆歷橫塘蔓于常熟江陰無錫出入

國權

嘉青三十一

九



太湖無禦者

江西南安贛州吉安行廣益袁州臨江行淮鹽

總督浙直軍務右都御史張經及參將湯克寬以待

華劾其失機玩寇也初田州東蘭南丹歸順等狼兵

至輕進嗜利聞倭富有財貨亟欲取之居民苦倭朝

夕冀倖一戰文華至嘉興屢經檄戰經曰賊狡且衆狼兵勇

而易潰倘失利遠近駭聽侯保靖永順土兵合攻之文華言

再四終不聽文華挾內援願指經以大臣自重出文華劾

經謂其才足辦也特家閩避賊仇故護惜縱賊耳上問嚴

嵩對具如文華言并罪克寬方文華上章時永順保靖兵至

即有石塘灣之捷文華去徵兵四集未有進期蓋經秘密文

華胡宗憲輩仇淺不輕與言耳今戰勝嵩言文華宗憲合謀

督兵掇甲致捷經聞乃至殊失寔狼土兵服經威名經被逮


有由是倭患日熾狼土兵駟騷不堪矣時日旁若數黑日

即命

撫周琬總浙直福建軍務

曰張經受朕節制耳天下顧不滅賊朝食擁兵持重

圖萬全之策誠不欲浪戰付國事于一擲也或言經駐江



南供張僭侈食器俱白金非主憂臣辱之念夫人臣圖事

期于至當敗固罪也勝亦罪之眈馬惟山中之篋

安所展其足哉

兵焦澤移鎮山西山西提兵韓承慶移鎮大同從提

論請也未几澤失事褫職承慶以激變下詔獄

柘林倭出海遁

乙卯初倭攻三山所參將劉朝恩力守發矢如雨不一中知

其幻投以兔犬首旋射斃其帥賊遁趨陸涇壩蘇松兵備任

環總兵俞大猷等進攻陸涇壩斬賊二百七十餘級焚三十

餘舟賊奔潰

中書舍人吳國倫行人趙鏘謝蒲夏棻為兵科給事中

丁巳浙江按察使曹邦輔為右僉都御史提督軍務兼巡撫


應天

還攻常熟知縣王鈇拒卻之移三里橋邑守制江西

少卿泮光祿寺卿各廢錦衣衛百戶賜祠泮村居倭

柘恣甚治兵鈇家京師不能還留家常熟

黃魯曾曰錢公手刃三賊與縣令同遇害公固死于孝者



也其如縣令夙以厥考缺星之夢自備其生適逢卉服之

先擢堅舞利日耀其勇不知兵家之要匪在技藝故
為所悞若守崑山之祝守嘉定之殷守太倉之熊但
戰而已公如之何則何以至于鑿磔耶

王公之生為正德甲戌四月十四日蓋父母各夢
缺星隱蒼野中故公命名缺而號曰蒼野今即公死考之
豈亦數之前定者與

辛酉倭六百人劫湖州南潯至王江涇搃兵俞大猷叅將宋
禮夾擊之賊遁斬二百五級

癸亥開延平建寧缺冶

倭八百餘人自松江趨蘇州叅將周藩把搃婁宇追至唐行
鎮中伏藩赴水死兵民失千計

六月甲子朔兩廣搃兵太子太保定西侯蔣傅卒

工部尚書楊行中改南吏部尚書巡撫江西陳洙

右侍郎


柔伯施燾卒

百餘人登上虞爵溪所突犯會稽萬埠奪民居樓房
據之知府劉錫千戶徐子懿圍之賊潛逸邑御史錢鯨值之

國權

嘉靖三十四

十三



蝗甫見殺自西興流劫杭州西歷於潛昌化

鎮巡撫仍駐遵化秋出昌平

倭出海搃兵官俞大猷擊斬百三十餘級沉七艘賊

將校主戰而守令主守將校北輒用軍法而守令

亡恙及城潰矣復坐將校死而僅左降守令是文武異刑而

法不一也民進止視違令不視將帥令兵一而民百柰何以

戰守併責將帥將校履肝胆以死文吏持口舌以制難以責

其振矣守令勤則餉儲具守令果則哨探嚴守令警則聞不

容守令仁則兵必力臣以為重責守令可也

乙亥裁順府通判 德

丙子定宗爵宗支冊籍

徐階言二麥大稔每石值四錢乞乘時收買數十萬石加贖

賈 甫關輸宣府出紫荆關輸大同從之

法蔡涇間分衆犯唐頭知縣錢錚統狼民兵逐之至

一敗沒錚字鳴叔顯陵衛人讀書過目不忘嘉靖庚戌


子知江陰性剛果敢任時倭亂亟請繕城明年癸丑

城成甲寅四月倭至錚以兵逆之斜橋三戰卻之倭退屯定

國權

嘉靖三十四

十三



山而歲侵多盜誅其魁而散其黨乙卯柘林倭來錚拒之石
繼以瓦石錚校創猶鬪賊遂遁錚意其復至屯華墅
斬九級久之殺傷略相當常熟倭三千人大至攻城
賊移營蔡涇距城九里錚城上望焚燄閔之乃背城
沙 則狼兵與所募士僅七人臨敵狼兵先潰錚自以所
從卒鬪中伏死年三十一事聞贈光祿少卿廕錦衣百戶立
祠江上錚無子弟銖襲秩初倭至鄉民奔入城萬計兵備使
王崇古不納錚獨挺身任之躍馬出戰
丁丑戶部左侍郎馬坤為南京工部尚書起秦克廉右僉都

御史巡撫江西

保定總兵官署都督僉事李賢移山西

戊寅浙江倭侵還吳江兵備叅政任環總兵官俞大猷敗之


驚脰湖平望斬七十九級擒五人

倭出洋任環俞大猷擊之馬蹟山斬九十三級擒

八是日有流倭舟壞有五十七人匿嘉定民家藝而

督浙閩周琬巡撫浙江李天寵削籍趙文華劾之

上又聞琬疾甚天寵嗜酒廢事故斥



南戶部右侍郎楊宜改兵部右侍郎兼都御史提督浙閩軍

浙江御史胡宗憲為右僉都御史巡撫浙江

吉駐獨石塞外遣謀四人偵滴水崖縛斬之

孟宋爰等流劫定州阜平田陽行唐官軍捕誅之

察侍郎趙文華上蘇松失事罪狀下按臣覈寔

蔡涇倭至夏港副使王崇古擊之走靖江斬四十餘級匿民

家殲之

戊子戶部右侍郎倪嵩為左侍郎巡撫河南甘肅右副都御

史鄒守愚王諾為戶部右侍郎巡撫甘肅諾提督南京糧儲

庚寅宮人高氏薨追號和妃

虜寇大同鎮山墩叅將馬芳游擊劉環出戰失利會援兵至

圍解

辛卯倭三百餘自南潯突至松江之葉謝總兵湯克寬都司

奎守備解明道戰于浦中倭死三十餘人東岸倭渡

俱溺于水

七 朔起張烜右僉都御史巡撫河南大理寺右少卿魏


右僉都御史巡撫甘肅

四川宜賓叛夷阿康等伏誅

國權

嘉靖三十四

十五



乙未通州副總兵改參將

其隸御史李鳳言俺荅匪茹其謀皆出邱富原周乞令
其備副使楊順討獲詔給順萬金無問出入

湖廣按察副使孫宏軾起山東按察副使劉燾並補

勦寇

侍讀嚴訥潘晟主試應天

庚子馬邑馬諸生張蕙自虜回言俺荅永邵二部兵可二萬
六千待邱富甚備親為掃除而富為虜謀墾田積粟造舟渡
河于是再下賞格購擒斬俺荅諸酋來獻者賜萬金爵伯擒


斬邱富周原者三百金授三品武階有言于兵部曰虜可購
也兩人不可購之急則虜益重兩人是托兩人于虜也莫
若購兩人以致虜購兩人以致虜則亦購虜以致兩人也邱
富說俺荅大收智略之士榜招貢士諸生厚遇之而邊民黠
人說貢士諸生往俺荅令富試之能者使統眾騎否則
百人張邦奇素畜倭刀識緯書被掠自言有秘書寶
迹堡虜急攻堡不下俺荅厚邦奇亞于富又大同人

人亦被掠苦之謀刺富與其黨王浩議浩欲說富不我
聽則圖之語密語以順逆富問諸生計安在何如安國勸如

國權

嘉靖三十四

十六



浩言張邦奇曰勿聽若無重世之德于中國而有累世之怨
甚急若入邊不能為已德而為他人功也禍無日矣
奇與浩相質邦奇罵浩曰汝欲餌邱公而釣中國
矣美與浩
山萬埠倭西逃至淳安才六十七人官兵追擊之自
濠嶺盤山入歙之黃柏源吏卒俱潰過涇縣知縣邱時庸戰
敗趨南陵縣丞莫逞又戰敗遂入縣城于是建陽衛指揮繆
印當塗縣丞郭映郊蕪湖縣城陳一道太平府知事郭樟各
承檄以兵來援值南陵東門射之賊悉手接其夫諸軍駭潰

一道獨力戰死之

戊申核太倉中庫積貯

裁金山備倭都司設叅將蘇松一帶鎮一

已酉播州亂寇平

應天兵備副使駐句容溧陽廣德

巡許浦白茆港諸倭皆出海搃兵俞大猷屢敗之茶

山斬六十七級擒四十三人江陰蔡港倭出洋而敗


必沉二十餘艘仍登掠而倭巢周浦松江知府方廉使

謀毒其井賊死千人

國權

嘉靖三十四

七



丙辰南陵倭至蕪湖義兵擊之斬十級擒二人超太平操江

御史褒善禦之敗績東犯江寧鎮指揮朱襄蔣陞禦

死失亡三百餘人賊超應天大安德門其首擁蓋策

城窺我會獲其奸諜超秣陵關

丁 前浙江巡撫李天寵

蘇松兵備叅政任環廕一子衛副千戶太倉知府州熊惇添

注蘇州同知

張經湯克寬逮死下獄論死

壬戌蘆溝橋成

八月癸亥朔應天推官羅節卿指揮徐承宗以千人守秣陵關

自潰倭至溧水楊林橋典史林文景兵不能禦入城宴飲民

家信宿去之

甲子整飭蘇松兵備叅政任環聞喪詔奪情劄倭


乙 徽王載瑜清微忠孝翊教真人金印

丙 石春坊右諭德王維禎侍讀袁煇主試順天

未柘林倭出海叅將盧鐘等追殺六十八人時賊大疫搃

宜浙江提督胡宗憲分道設伏賊迫而遁遭颶風溺官

兵逐之復如柘林尚百九十八艘欲往川沙嘉定縣丞張潮



及上海兵殲之柘林倭焚舟示無去意僅存十二艘于沙外
入追及金山海洋盡掣其舟脫者浙江定海兵過之

甲戌深水倭復趨徽州還至東壩由深水而東為老人所詒
引太湖之木瀆鎮至許墅巡撫曹邦輔與副使王崇古僉
書邦政等恐其合柘林之寇乃分地崇古等為正兵知府
林懋舉知縣唐世耀屯吳林廟為援又分奇兵左右哨度賊
走太湖募水師賊至吳林廟斬二十七人餘走陽山

張島曰倭變起而鯤講海防矣說者謂防于海安防于
陸危而防海有二出海會哨毋使港是為禦海洋沿塘拒


守毋使登岸是為禦海岸兩者防漸近禍漸偪矣徽人不
戒而令賊蹈瑕以登陣于原勢且感于城謀而守何暇犄
而角我輟其藩故坐自困也吳淞扼蘇松之喉吳淞而南
為川沙又南為南匯自南匯而西為青村又西為柘林又
金山相去各六十里耳聲援通而首尾應而金山聯
而通于浙江何大壑先生有言曰今日之海防但能復
祖宗之舊制即一言而功過半矣竊怪高皇帝時未嘗
夷犯界也而何其周且密若是豈非聖人至誠前知

百世亡弊者耶

國權

嘉靖三十四年

九



丙子前吏部主事深陽史際輸餉五千石加尚寶司卿

大同總兵韓承慶貪縱有健奴劉忠韓喜者佐其虐怨

二百人欲逃虜中軍官劉卿諭還詔逮承慶下法司未嘗

兇西安延平安涼鳳翔慶陽旱災田租

壬辰大同獲奸謀二十三人誅之

提督漕運總兵官萬表以疾去

許墅倭走陽山迤至靈岩奪舟見湖濱水師未渡匿橫溼田

中武生張大綱捫其所殺人肉未寒曰賊必伏令眾大呼賊

驚出悉擒之大綱手刃數人被創死倭初六十七人自紹興

歷浙直轉戰千里至是盡殲

九月甲午提督昌平都督僉事趙卿總兵官鎮守大同

乙未南京右僉都御史王學益疾去

南京右府僉書都督僉事方思為總兵提督漕運鎮淮安


督宣府郎趙文華大集浙直兵攻倭于華亭縣之陶宅港敗

倭邵昇姚泓千戶劉勳死之文華耻不與許墅之捷欲

臨宅倭見功竟喪卒千餘人

襄府棗陽王祐惲薨

戊戌選民女百六十人



前撫治鄖陽右副都御史于湛卒

蘇松常鎮御史周如斗再歲

長懷辱桑伯施燾卒方使岷府詔伏羗伯毛桓代

兵部尚書張時徹右侍郎陳洙各勅免

乙 刑部左侍郎張釐為南兵部尚書南刑部右侍郎張臬


改南兵部右侍郎

提督侍郎楊宜徵順天保定射士千人

丙午虜大舉分犯宣天山西初提督許論以鎮兵寡弱檄召
延綏游擊將軍都指揮張紘回率三千人擊之粹過于張家

堡南虜衆來衝紘令我軍開壁縱千餘騎入乃合壁殺之虜
怒合圍我紘又令士卒毋取首第殊死力戰由是虜死甚衆
紘亦力盡死士卒殲焉 宣府志曰是役也將士全損人不
以為敗績虜死傷者衆也自後被掠人回言虜人追設是役
猶 指為懼則紘之死不為無益矣紘陝西人素許忠勇是
舉 具無負哉贈紘都督同知謚忠壯大同西路叅將丁碧
以數百人戰馬家寨死之贈都督同知謚節愍提兵歐陽安
遮擊于朔州遁去

戊申倭二百餘人據舟山之謝浦又倭數百登海門劫仙居



黃岩官軍追之走奉化及鄞江橋出四明山據紹興龕山胡宗憲率盧鏜處州兵擊斬之

庚戌免濟南東昌青兗旱災田租

壬午是魏國公徐鵬舉被劾罷守備撫寧侯朱岳代之輒據首鵬舉疏爭之仍鵬舉領班

甲寅戶部左侍郎倪嵩為南京右都御史蔡雲程為戶部左侍郎鄭大同為刑部右侍郎

初御史金澍劾南京廣東道試御史文希儒貪縱敗紀希儒亦許澍下吏部尚書李默擬澍免官不許澍乃參默曲庇及

尚書陶尚德等黨比南上以互糾有舊制切責兩吏部令

省改希儒免官


南京前府誠意伯劉世延提督操江右僉都御史史褒善兵備副使劉燾各攻陶宅倭、迎敵皆潰燾與私卒以射免

丁巳言人耿氏薨追封平妃

戊申復入宣府龍門犯懷來

己未復廣東惠州捕盜通判

辛酉虜自保安出東嶺參將馬芳以千餘人衣搗其營虜大驚斷為二西奔出張家口



十月壬戌朔 皇長孫翊鉞生裕王出告奉先玄極寶殿止勿
賀不頒詔

癸亥衛府壽張王載場薨

陶三畏走周浦官兵圍之柘林倭出海復還據川沙窪

乙未吏部左侍郎閔如霖賀表忤旨降俸三級罷其撫玄以

侍講袁煒代之

丙寅下昌平知州衛鈿獄太常寺丞王守一祀長陵鈿不具

鼓導見劾

己巳廢吉士李貴呂旻萬浩胡汝嘉王希烈趙祖鵬張四維

孫鋌為編修陸泰吳可行馬自強為檢討王文炳孫應鰲馮

葉梁夢龍徐師曾鄒敬賢方萬有為給事中張選言蔣焯張

九功王詠為試御史

庚午琉琉入貢使市民舟還國


辛未 巡督河道工部右侍郎曾鈞為南刑部右侍郎南大理

卿

己亥宋天馴嗣西寧侯

癸未涼州副總兵都指揮僉事何准為署都督鎮守山西

丙戌逮紹興知府劉錫充直道文華劾其縱高埠之寇竟



成邊

常熟天雨如赤豈

丁亥通政司左叅議劉體乾為右通政

庚寅殺前總督浙閩右都御史張經巡撫浙江李天寵兵部

負楊繼盛上無意殺繼盛附諸邊臣論上遂不免經

嘗有功天寵亦亡罪趙文華胡宗憲構陷之天下益嚴恨氏

制勅房辦事工部右侍郎設相并死西市

林煙曰昔林文恪先生言嚴趙用事時苟非其黨也其或

以脩或不脩擠之者可勝道哉張司馬負其才汲然自

躍大台必為鏢錮亡身之日雖有智勇將焉所效嗚呼哲

哉先生之言也自古權臣在內大將未有能成功于外者

張司馬受大廷之薦急于建功固與全軀保妻子之臣設

不同日矣然皮之不存毛將安附惜其不講于遠害之術


過樵李問司馬陳兵故壘尚為之感愴不能去云

江道昆曰肅皇帝操下凜先後言者悉皆骨鯁之臣

要莫如楊忠愍當忠愍抗疏豈不當上心毋亦視將相如

股肱藉以奉社稷故藥寧失藥石不毋寧失股肱彼一時

也一庸人上變而鸞族諫者後至如而藉嵩家則忠愍先




入之日更而明雷伏而震其所繇者漸也夫憂在社稷而
以身當之身死而社稷無憂得死所矣殺其身而用其言
死且不朽報恩地下豈虛語哉

前南京兵部尚書潘璜卒安徽婺源人正德辛巳進士官知
縣擢主事改禮部歷今官有文學行誼脩飭士論重之
辛卯倭二百人登樂清流劫瑞安平陽守備都指揮劉隆戰
死掠黃岩仙居至楓樹嶺慈谿領兵主簿畢清義士杜文明
見殺歷餘姚上虞渡曹娥江犯會稽
胡宗憲遣游擊將軍曹克新副使任環搗川沙倭巢敗之餘

黨走清水窪

十一月壬辰朔日食提督操江右僉都御史褒使善為南大理
卿給事中楊巍言其脫倭寇得美遷遂還原任
癸巳編修陳陞為侍讀
均京城甲役舖戶
乙未倭二百人犯莆田鎮海鎮東等衛千戶戴洪高懷德張
鸞並戰死

倭犯興化平海衛正千戶邱珍副千戶楊一茂戰死已犯福
清泉州衛指揮童乾直擣其壘斬十餘賊而死



閏十一月癸亥按察僉事焦希程以川兵趨周浦賊完懼而攻之賊走川沙寇游擊曹克新邀斬百三十餘人四川山東兵連擊之賊出海副總兵俞大猷兵備副使王崇古追斬一百七十餘人擒四十七人餘奔上海浦東
癸酉川兵游擊曹克新追倭于嘉定之高橋斬三十八級俄酉陽兵先潰諸軍遂敗越二日再戰斬七十餘級酉陽兵自潰賊乘之我大敗千戶李燦百戶郭彥昇死之官軍奪氣時客兵恣睢督撫不能馭每戰自為進退酉陽兵既敗即即大譟奪舟徑歸蘇州

丙子戶部右侍郎鄒守愚為左侍郎巡撫保定艾希淳為戶部右侍郎


丁丑免順天保定河間大名水災田租

靈邱王聰溺斃

己卯山東道御史曾佩刷南京案牘報命有奏啟 上詰啟何為云故事 上以東宮已薨下鎮撫司廷杖成邊

壬午山西右布政使吳嶽為右僉都御史巡撫保定

倭自會稽東閩走龕山典史吳成器等殲之斬百二十餘級又象山倭過四明山攻上虞蕭山壁于錢清巡撫胡宗憲督



兵備副使許東望等統麻陽土兵擊斬五百餘級盡擒之餘
孽自諸暨出東陽臨海至太平蒲岐巡檢司得舟而遁
庚寅宮人吳氏薨追封定妃

十二月癸巳立南京振武營

甲午賑西安飢遣官四川山東採礦

乙未勅旌慶成王表采賢行年八十

戊戌巡撫宣府劉廷臣疾免巡撫大同齊宗道調外

己亥叙禦倭功罪逮應天巡撫曹邦輔以趙文華忌之并及

僉事董邦政把總婁宇盡沒濟墅之功

辛丑河南按察使張渙山西布政使右叅議楊順並為右僉

都御史渙巡撫宣府順巡撫大同

壬寅山西陝西河南地大震聲如雷雞犬鳴吠渭南朝邑三

原華蒲尤甚或地裂泉湧有魚物或城屋平陷入地渭南殆


百里或平地突成山阜或連震累日河渭泛濫華山終南山

鳴河清數日報斃官吏軍民有名者八十三萬餘人時致任

南兵部尚書韓邦奇南光祿卿三原馬理南祭酒華州朝邑


王維楨渭南部郎中薛祖學部員外郎賀承光部主

事王尚禮進士白大用華陰御史楊九澤蒲州叅議白璧同



日死焉其隱沒不知名未奏報者亡筭雖地震自古有之而
是變史所未見也韓邦奇字汝節正德戊辰進士授吏部主
事轉負外郎調文選郎中言事調平陽通判遷浙江按察僉
事忤鎮闖誣逮削籍嘉靖初起山東叅議予告尋起山西左
叅議分守大同時兵變單車入城諭悍卒迎巡撫蔡天祐于
代州人心始安又予告復起四川提學副使尋改右庶子兼
脩撰以主試京闈忤時左遷南僕寺丞己丑乞歸起山東副
使大理左少卿以左僉都史巡撫宣府乙未佐院又移山西
致仕甲辰起總理河道進禮部右侍郎改吏部丁未進南右

都御史改南兵部致仕邃學堅定明于律數自天文地理太
乙兵陣之書無不精究所著有易說書說毛詩未喻禮記斷
章正家拾遺新書直解洪範圖解志樂諸書篤于行誼學務
實踐不徒空言一時學者宗之年七十七贈太子太保謚恭
簡馬理字伯循正德甲戌進士授吏部主事調文選請告戊
寅補考功庚辰還子舍嘉靖甲申起負外郎歷文選郎中南
京右通謝去辛卯起光祿致仕好古儀禮學朱程年八十三
隆慶初贈左副都御史予祭壘天啟初追謚忠憲
乙巳戶科左給事中楊允繩下鎮撫司論死浙江道御史張



吳言謫武陟縣丞光祿寺丞胡膏調重慶通判允繩吳言同
巡視光祿膏恃姻家李本故恣肆允繩怒劾其濶收子鷲侵
帑宜罪膏疏辨之典隆重允繩憎臣精擇謂諸物不過齋事
之用充其可耳何擇為其欺謗之脩如此 上怒以錦衣衛
不逮吳言奪右都奪朱希孝等俸三月允繩性剛厲嘗坐省
中太僕卿徐陟直入請事叱曰 祖制無故至科者則趾柰
何以相公弟壞法又奏大臣受餽遺大學士徐階曰閣臣受
幣科臣獨否曰彼獸心者則然允繩寧有此階色為之動
丁未紫皇殿成


巳酉酉陽兵赴浙直道劫九江鎮撫典禮阻之被殺

甲寅台州倭走嵎縣容美兵復敗之

戊午前樞督陝西兵部尚書楊守禮卒山西蒲州人辛正德
辛未進士授戶部主事歷撫四川寧夏奕朗有大度才具敏
達當官著聲績晚娛詩酒于世態不屑也

俺荅大舉犯大同樞兵馬芳卻之

涇州大饑



國權

嘉靖三十五年丙辰

正月辛酉朔 上不朝

寧夏地震

倭自福寧向溫州同知福安黃釗戰于水北洲中伏軍潰同
官欲遁釗怒曰吾輩寧效卒伍耶竟死之贈右叅議廕子入
監并立祠

壬戌許黔國公沐朝弼節制土漢軍諸司奏謁如先朝故事

國權


嘉靖三十五年

一

嘉靖三十五年丙辰正月辛酉朔上不朝寧夏地震倭自福寧向溫州同知福安黃釗戰于水北洲中伏軍潰同官欲遁釗怒曰吾輩寧效卒伍耶竟死之贈右叅議廕子入監并立祠壬戌許黔國公沐朝弼節制土漢軍諸司奏謁如先朝故事

益官設遷孺木著

國家圖書館, NATIONAL CENTRAL LIBRARY, TAIWAN, R.O.C.



朝弼自都督嘗被勅見輕至是自請也

癸亥福建倭入浙江合錢塘倭前留守王倫容美土司田九
宵等扼之曹娥江不克渡走三江民舍連斬二百級追滅之

黃家山

甲戌宮人李氏薨追封順妃

吏部大計降斥有差

遼東屬夷寇永寧

乙亥兵部尚書楊博憂去命提督兵部尚書許論回部
虜寇莊浪

戊寅趙府廣安王厚燿薨謚溫懿

起江東兵部右侍郎兼右僉都御史提督宣天山西軍務

庚辰夜彗見進賢星芒長尺指西南漸三尺餘歷掃太微旁

垣次相星又東北入紫微垣掃天床星至四月庚戌滅

辛巳巡撫湖廣汪大受察免

壬午陳東築新場殺叅將尚允紹于呂四場喪四百餘人

已丑移陝西河西道叅議駐環縣提督鹽法


提督浙直侍郎楊宜乞調邊兵河南兵勦倭部覆選練鄉兵

止調河南

國權

嘉靖三十五年

二



新場倭趨紹興巡撫胡宗憲赴救值之江橋夾河而軍宗憲望見曰是賊弱吾且試之馬上揮幟賊聚視宗憲笑曰易與耳渡河襲之賊走後梅民家火攻之凡盡

二月庚寅朔戶部左侍郎鄒守愚往祭山西河南山川仍賑卹各災民

癸巳南京右春坊右諭德沈坤為南京祭酒

壬寅南京吏部尚書孫應奎引年致仕

南京戶部右侍郎王誥為兵部左侍郎提督浙直福建軍務乙巳命調九江安慶兵防京口圖山等處設把提指揮領之


丁未提督倉場管理西苑事戶部左侍郎盧紳為南戶部尚

書順天府丞高擢為南戶部右侍郎提督南京糧儲

己酉 嬪王氏卒追封懷妃

壬午寧夏地震

戊午下吏部尚書李默獄初 上憂南寇趙文華對殘寇行且減不足慮而寇如故 上屢問嚴嵩曲為解文華內懼本楊博憂去文華凡得之默所推絕不及其見默欲有陳兵默嚴之快而退默嘗部試策選人有漢武征伐四夷而海內虛耗唐憲功成淮蔡而晚業不終制文華摘其語為謗訕



又推搥督倉場胡宗憲而用王誥蓋欲敗東南事為其鄉人
張經報仇 上大怒下鎮撫司掠治刑部尚書何鰲擬子罵
父律論死默性下急不能容人過接士大夫少愉色援引才
俊不使人知之得大臣體既得罪禮部尚書王用賓心寬之
禮部都察院叅上詞稍寬假 上不憚移法司對簿重論用
賓由是失 上意

徐學謨曰咸寧公為人忠信恬雅身不勝衣至當建安利
害之際不忍逢君負友人稱其有仁者之勇或云建安之
禍始于其鄉人陳全之蓋文華所取士也以劣遷出遇文


華于潞河先以策自將假手報復而分宜父子欲甘心于
建安久矣乃嗾文華致成大獄一時朝論闕然自是代建
安為吏書者第默 擁虛位而分宜之門鬻爵如市矣按
祠祭郎中陳全之遷荊州知府 設遷曰萋菲之口不顧是非邪正逞智私鍛攻楊允繩曰
謗訛之脩攻李默曰謗訛報復自告訐之端開而臣子之
一言一動莫非罪府特未經措摘暫自寬耳且當 世廟
時宦途不險甚乎哉

罷王誥進胡憲兵部左侍郎兼左僉都御史搃督浙閩軍

國權

嘉靖三十五年

四



務湖廣按察使張景賢為右僉都御史巡撫應天
徐海復築柘林陳東自新場合之

已未大學士本李署吏部

三月壬戌故陣亡叅將尚允紹贈都督僉事廕千戶

癸亥李本請考察兩京大臣許之品第大臣列三等曰袁庸
當罷南吏部尚書楊行中禮部尚書葛守禮刑部尚書陶尚
德戶部右侍郎艾希淳刑部右侍郎鄭大同工部左侍郎郭
鏊南右通政何雲鴈南鴻臚卿王楠太僕少卿張秉壺南太
僕少卿陳邦脩光祿寺丞邱秉文巡撫張烜郭維嶽汪尚寧


右僉都御史張鶚翼得旨俱罷希淳雲鴈調外許致仕李本
蓋狗嚴氏意也列工部尚書吳鵬右侍郎嚴世蕃等第一
甲子應城伯孫承爵卒

前陝西提兵都督同知魯經卒經驍勇敢戰久鎮西陲以功
名終時稱良將

乙丑廣西布政使右叅政阮鶚為右僉都御史提督軍務巡
撫浙江

築懷來南山隘口設至道守道

丙寅李本考察科道罷三十八人都給事中烏從善馬汝松



左給事中黃元白右給事中黃謙張萬紀郭鑰南京都給事中朱文漢御史李應時劉應熊龐俊陳九成詹理蔡朴尹庭鄭燭馮薦張雲路郭文周左給事中李幼滋給事中孫濬吳國倫夏棫南京給事中高鶴御史李正彞高墉黃正色何廷鈺陰秉陽陳觀衡曹光南京御史徐棫邊毅並坐浮躁都給事中王鳴臣給事中謝滹御史林應箕朱木段錦張守蒙並坐不及俱降調餘御史留用各杖四十是役也嚴氏之異已俱盡公論不平

丁卯誅虜謀二十二人叛人王青等專通虜偵我山西三關

邏卒縛之

庚午費坤嗣崇信伯


費熹之子

南京戶部右侍郎高耀為戶部右侍郎提督倉場督理西苑

農事

辛未工部尚書吳鵬改吏部尚書自是選人惟嚴氏指政以賄成益不可問

友大綸曰鵬生平醇篤清謹斤斤自守歷官有賢聲為大司空家無厚貲及嵩以李默繫獄而令鵬代之進畏重禍退戀美官遂大喪生平凡內外要職皆奉嵩指授及徐階



李本陸炳與內璫同事者取次賄鬻鵬奉札記遷授靡敢
抵牾間有所公皆散秩下官耳而竟以穢聲終斯時也剛
則為默柔則為鵬士君子將安所懷才以自樹立乎

留兩淮餘鹽銀之半備海防軍興

甲戌廷策貢士金達等三百人于奉天殿賜諸大綬等進士
出身有差

乙亥陞兵部翁溥為南京刑部尚書巡撫順天吳嘉會為戶
部右侍郎陞浙江左布政使潘恩為右副都御史巡撫河南
廣東左布政使王鈞為右副都御史巡撫南贛汀漳山西左

布政使石永為右僉都御史延綏延綏江西布政使叅政胡
汝霖為太僕少卿


丙子命俞大猷充提兵官鎮守浙直盧鍾克副提兵官協守
復副提兵董邦政原官蘇松海防僉事錄前功教授韓宗福
通判羅拱辰等

戊寅恩祭宴命錦衣衛左都督陸炳坐文臣二品末

庚辰進李本少保兼武英殿大學士酬考察之役

編修亢思謙為河南提學副使

辛巳禮部覆宣諭日本國寢之先是巡撫胡宗憲募鄞縣諸



生蔣洲陳可願充市舶司官往招日本可願五至島值毛烈
及夷商松柴門善妙等七百餘人言國亂王與相皆死諸島
不相攝頌徧諭之乘舟進馬墓港自言直抵倭徧諭豐前馬
肥前平飛蘭諸島悉已禁掠然其詞無稽不足憑也

壬午吏部左侍郎鄭曉為南吏部尚書山西按察使高九德
為右僉都御史整飭薊州邊備兼巡撫順天

癸未工部右侍郎趙文華為工部尚書進太子太保賞其許
發不臣之功

甲申雲南貴州左布政使高翀陳錠並為右副都御史兼贊


理軍務錠巡撫雲南翀巡撫貴州

丙戌編修吳情為侍講

倭大至乍浦流劫松江嘉興據蔡廟堡

參政任環參將喬基等擊賊于蔡廟堡七遇皆敗之而新倭
自南匯縣登犯任環及參將婁宇把總王應祥連敗之董邦
政又敗之敗賊入吳淞江俞大猷設伏海口斬三百五十級
沉十三艘

四月己丑朔南吏部尚書鄭曉為右都御史兼兵部右侍郎協
理戎政禮部尚書王用賓為南吏部尚書禮部左侍郎吳山



改吏部左侍郎起孫陞禮部左侍郎協理京營戎政兵部右
侍郎謝九儀工部右侍郎若雷禮並為左侍郎撫治鄖陽右
副都御史劉伯躍為工部右侍郎
聽調戶部右侍郎艾希淳致仕
辛卯戶部浙江司郎中金九齡下獄削籍前廷試時私入禁
門見執故也

壬辰甘肅地震

城潼關衛地震城圯

甲午吏部左侍郎吳山為禮部尚書右侍郎郭朴為左侍郎

禮部左侍郎孫陞為吏部左侍郎右侍郎茅瓚為左侍郎侍
講學士袁煒為禮部右侍郎

河南按察使李憲卿為右僉都御史巡撫湖廣兼贊理軍務
陳可願還國言王直毛烈及薩摩洲倭乞通貢互市得殺賊
自效遂留蔣洲傳諭諸島胡宗憲以聞禮部覆令宗憲等檄
王直等俾勦舟山賊果爾許之

丁酉禱雨立應表賀


逮四川游擊將軍曹克新下法司以川兵敗後逃盡故也

戊戌南工部右侍郎孫世祐改刑部右侍郎山東左布政使

國權

嘉靖三十五年

九



孫應奎為右副都御史總理河道

山西總兵官何淮有罪免寧夏副總兵孫朝為署都督僉事
總兵官鎮守山西

己亥倭二十餘艘登浙江觀海衛陷慈谿殺邑人副使王銘
知府錢渙等知縣李東伯棄城遁

辛丑甘肅天鼓鳴

新倭三千餘人犯鎮江衣洲儀真焚漕粟三萬四千餘石攻
揚州殺同知朱哀都指揮都張恒千戶羅天爵曾沂監賈善
射者卻之而徐海陳東各擁萬人佯攻乍浦時川湖兵俱罷


獨容美河間兵五千人在巡撫阮鶚夜半趨乍浦胡宗憲屯

塘栖相犄角

癸卯宮人王氏卒追封御嬪

倭攻江陰幾殆主簿曹廷慧以火攻卻之

甲長江北倭流劫圖山無為州同知隆德齊恩迎戰斬百餘
賊恩長子高文叔仲寶弟寶榮姪慎寅友良大卿孫董俱從
軍次子嵩年十八驍勇善戰獨前進追至安港伏發恩等與
其家丁錢鳳等二十二人力戰俱死之獨嵩慎寅三人得脫
恩祖敏浦江主簿死寇難恩廕入太學授鴻臚寺鳴贊進宰



河曲遷今官賊乘勝至金山殺鎮江千戶沈宗玉王世忠于
江中千戶戚繼爵等狼山遇倭死之揚州衛千戶洪岱文昌
齡率師至通州敗沒


丙午大風霾倭復入慈谿時兩浙俱被倭而浙東焚掠慈谿
獨慘餘姚次之浙西柘林乍浦烏鎮皂林間皆為賊巢前後
至者二萬餘賊

戊申封載塔商河王翊錡安陽王翊鋤萬善王朝壤瑞淦王
勤於海陽王宙梳新野王弼果淳化王時脩撰陳謹給事中
徐應鄆立彥奉使臨遣後至下鎮撫司改編修呂旻給事中

湯日新紀公巡謫謹惠州推官應立彥浙閩按察司知事

庚戌倭犯直隸西庵沈莊清水窪搃兵俞大猷蘇松海防僉
事董邦政擊斬三百五十餘級賊遁陶山

辛亥賊罷乍浦趨杭州阮鶚以河朔兵及于皂林賊鼓噪而
前銳甚皇急入保桐鄉佐擊將軍宗禮義官霍貫通率九百
人禦之于崇德三里橋張左右翼三戰俱捷斬三百餘級賊
首徐海等皆辟易稱為神兵會絕餉道不得善地頗飢疲詰
旦賊輕其孤壘縱擊我戰益力會火藥絕橋陷軍潰禮與
貫道及鎮撫侯槐何衡俱死之賊乘勝圍桐鄉不克鶚蠟書




請師五宗憲不報自此相隙禮大興人驍勇敢戰所部皆壯
士用寡敵衆雖臨敗兵興以來稱血戰第一徐海等氣奪未
几遂就撫贈禮都督同知謚忠壯廕指揮僉事貫道贈光祿
寺丞

丁巳侍讀嚴訥脩撰李春芳並為學士右春坊右中允董份
直西內撰立自是詞臣多舍本職往來求供奉希進用矣

戶部侍郎鄒守愚賑陝西還至河南道中卒贈右都御史謚
襄惠

胡宗憲奉詔移諭日本知盜權在王直徐海可以賂遺設利

降也曰使潛諷直遣養子毛烈款定海關謝直歛縣人
少落魄任挾亡命入海頗尚信有道盜夷主亦愛服之直嘗
邀要我防海將討五島我將餽粟百石直大詬投之海宗憲
以鄉人輦其母為書招之宗憲計直與徐海唇齒也因遣謀
說海曰直已款聞朝廷赦之矣汝獨無意乎且新搃督推心
置人腹不乘此時解甲謝過更復何待海遣使宗憲厚遺之
如直使歸以報海明日復來待如初凡數復而海意始堅
薩摩王弟書記陳東心疑海有它端海遣酋私語桐鄉守兵
曰吾已款督府矣城東門陳黨也其善備之是夕海道崇德




而西陳東攻桐鄉益銳盛為樓櫓撞竿知縣金燕力禦之撞
竿几壞城一男子為綿索竿至挽而上鋸之又煮鉄汁灌城
下不敢逼圍解宗憲說海縛其書記葉麻明又詐為葉麻明
書與陳東令舉兵殺海而俟致之海所海讀之涕下謀縛東
自效而阮鶚自圍中急與宗憲相猜異論始起
五月戊午朔提兵歐陽安副提兵張琮劾免
叙王江涇功保靖宣慰使彭蓋臣永順宣慰使官舍彭翼南
俱進昭毅將軍餘有差
倭五千餘艘自吳淞口犯上海圍之署縣通判劉本學力拒

十七日不克賊夜梯西南堞且登役者楊鈿乘女櫓大呼賊
擊之鈿墜城外壓梯上賊亦墜官軍群擊賊退涉濠適潮至
溺六十七人皆刀甲真倭也賊即南去閔行

倭犯瓜洲鹽役百人擊走之倭夜犯揚州同知朱褒高郵衛
經歷晏銳率千戶賈勇子恩出戰敗死贈褒左叅議廕子入
太學

壬戌夜木星逆行犯房宿北第一星
兵部右侍郎沈良才兼右僉都御史提督操江軍務禦倭郎
中郭仁貞外郎王遴從軍贊畫



癸亥南京工部右侍郎孫世祐卒

乙丑工部尚書趙文華兼右副都御史提督浙直軍務時沈良才命下上復諭嚴嵩令文華以南事對嵩知詞窮且見謹令文華自以意請視師嵩復言良才不任江南引領僉文華久矣上乃改文華文華薦副留守朱仁守備朱廢戶部郎中陳惟舉工部郎中陳茂禮雷州知府盧孝達漳州通判黃元恭俱從軍

丙寅以山西地震免蒲解臨晉安邑夏縣芮城猗氏陸榮河等去年田租


丁卯周府汾西王勤鳩薨謚康僖

壬午金星晝見

癸未兵部左侍郎謝九儀改戶部左侍郎
前巡撫雲南右副都御史周采卒字子亮寧鄉人嘉靖壬辰進士授中書舍人拜御史歷禮科都給事中出為陝西右叅政福建按察使四川左右布政積外十二年始撫滇旬日艱去年五十

丙戌蘇松海防僉事董邦政降蘇州同知

丁亥遣制勅房辦事左通政王槐錦衣千戶全天爵同內使



採礦玉旺峪

忻城伯趙武卒

故神木堡陣亡叅將楊璘贈都督同知蔭正千戶立祠

始命兩廣河南湖廣歲進葛八百匹

六月戊子朔操江右僉都御史史復善以避賊免官

侍講邢一鳳為南京太常少卿

山東左叅議張祉為右僉都御史整飭薊州邊備兼巡撫順

天右副都御史王宗古回部

庚寅唐府蕩陰王彌鏐薨謚端肅

作帝真宮

壬辰倭寇廣東潮州

甲午山西左布政司閔煦為右副都御史提督鴈門等關兼

巡撫山西江西布政司右叅政高節為右僉都御史兼提督

操江

上海倭還浦出海犯浙東薄仙居知縣姚本義崇戒戍卒如

賊不犯城去之鳴鐘三賊且去聞鐘聲疑兵出遂攻城陷之


屯四十餘日知府譚綸率兵逐之

桐鄉倭由千墩東出朱涇泊呂港四掠

國權

嘉靖三十五年

十五



乙未寧陽侯陳繼祖卒
丙申蘇松倭出黃浦新安衛百戶帥印擊倭于青村得勝港
死之倭將入海我軍飛艦逐之無生還者董邦政擒倭四十
餘人


丁酉提督漕運陳儒聽調巡撫江西蔡克廉改提督漕運兼
巡撫鳳陽

虜寇懷安近城殺掠守將畏懦不出致任叅將周鐘忽之率
舍人十餘逐之戰死又寇萬全右衛指揮僉事蔡隆禦于黑
沙梁身被數創死贈都督僉事

辛丑虜三萬餘騎犯宣府游擊張紘以千人迎戰敗沒贈紘
都督同知

癸卯朶顏屬夷都指揮伯思哈兒私引虜謀數人窺邊守備
詹承恩巡檄盡殺之下御史核實朶顏以飛魚袋請賞其謀
倭圍江陰甚亟人無固志知縣某惴惴或勸主簿曹廷慧自
為計廷慧叱之手斫家人一耳又欲刃其子衆遂定索薪貫
火擲城外又灌鉄汁乘風發火藥倭始退

甲辰戶部主事沈應乾錦衣千戶李鉉採礦河南
戊申江西左布政使馬森為右副都御史巡撫江西



辛亥授李東華鄧棟陳慶劉贄宋繼先劉一麟傅鳴會鄭用
賓張登袁汝是為給事中羅緯周京梁汝魁何大章費增姜
繼陳志徐仲樺周斯盛羅元禎路楷段顧言鄭存仁王業胡
應文何其賢為試御史慶鳴會京增應文其賢並南京
吳淞江賊萬人欲西合徐海胡宗憲遣謀說海禦之朱涇夜
遁俞大猷伏舟師邀之溺且盡海懼以飛魚冠諸寶貨誘縛
麻葉胡翰宗憲遣其弟洪入質我亦厚遺之海麾下麻葉胡
數阻海謂幣重而言甘勿可聽宗憲乃遣羅文諷海誘縛
麻葉胡獻幕府于是海部曲之心益離


乙卯故御史包節卒于莊浪字元達江南華亭人嘉靖壬戌
壬辰進士授東昌推官拜御史按雲南湖廣劾中貴廖斌不
法逮成莊浪年五十一

七月己未西苑進瑞穀

錄倭犯兩浙前後官軍死事者故温州同知黃釗贈浙江右
叅議海寧衛指揮使徐行健贈都指揮使各立祠死所祀之
浙江象山縣大風拔木

甲戌禮部右侍郎徐可成為工部尚書

戊寅左副都御史馮天馭為刑部右侍郎




宣府總兵官歐陽安移鎮薊州永平山海

胡宗憲以簪珥遺徐海侍女翠翹綠珠令日夜說海縛陳東以報朝廷東蓋摩薩王弟書記海重王弟不能也宗憲出麻葉胡囚中令詐為書于東反兵賊殺海故不遺東陰泄之海海且感而趙文華方治兵擊海宗憲伴曰彼且縛獻陳東何戰為海果賂王弟詐請東代掌書記即縛以獻于是海勢日孤又諉乍浦賊出巢官兵乘之斬三百餘級海自念數有功又信罷龍文誘約八月二日入謁督府于平湖海先期以數百人胄而入城宗憲文華與阮鶚巡按 坐堂上海等叩

罪海欲再款宗憲而未之識謀目示之海復謝宗憲宗憲下堂麾其首曰若既內款朝廷且赦勿慎勿再虞厚犒遺之海既出知官兵大集二十萬陰收陳東餘黨宗憲遣童華往解之曰官兵防東黨耳非有他也海請居東沈莊陳東黨居西沈庄又令東詐為書遺其黨曰海約官兵夾勦汝矣東黨果疑相攻海降遣裨將辛五郎歸島宗憲密令俞大猷等分海道要衝責盧鏜擒五郎計誘之金塘之麓後獻俘

癸未右僉都御史趙大祐為左副都御史

八月戊子追奪徽菴王厚燭真人印嗣王載堦多不法謂其怙



先寵也

辛卯興大同屯田

甲午衍聖公孔貞幹卒于京師

冶四川之鑛得銅 上疑使者不恪嚴嵩謂鑛產徼外曲諭

蠻獠而得之最不易自後其冶金銀以上 上命馳責守臣

丁酉前南官刑部右侍郎持平卒江西萬安人正德十二年

進士

己亥右春坊右中允董份為學士

虜千餘騎犯神木

壬寅命有司採芝宛平人張巨祐獻芝五本賜金幣自是獻

者踵至

癸卯大理寺少卿鄔懋卿為右僉都御史

丙午大風霾

辛亥肅州衛天鼓鳴有星晝見西行至東有聲

官兵進攻東沈庄徐海急沉河死斬首千二百級浙江寇平

海故杭之虎跑寺僧叔碧溪雄海上稱天差平海大將軍其


黨陳東輔之

茅坤曰海以一緇衣起島上五年之間百戰百勝朝廷徧

國權

嘉靖三十五年

九



徵海內諸名將與之喋血吳越諸州縣間未聞有俘其偏
卒者方且擁兵數萬人分五道入湛舟以戰示無復遠意
當是時其意飄忽奮迅固已欲吞江南矣何其猛也已而
困于胡公區區之餌卒之糾纏狼狽以自剪而死者封羊
豕然豈非所謂人固屈于慾也乎善哉友人唐思諫嘗曰
始賊盛兵圍桐鄉時假令胡公持缺不量彼已而鼓兵
以戰一蹶而饋東南事去矣今且堅忍紆徐以收之兵法
曰利而誘之亂而取之若胡公者可謂合兵變者也
錦衣千戶全大爵進鑲銀三千五百金上善之戶部疏頌


并宣示四川山東河南採官搜其僻從之

直隸順德知府李攀龍為陝西提學副使

壬子命于福建廣東番船購龍涎香并及雲南時迫求之論
者罪陶仲文顧可學始其事


九月丙辰朔海州地震如雷

戊午前駙馬都尉鄔景和自崑山入賀壽回言臣五世祖寄
籍錦衣衛世居北方今被罪南徙不勝犬馬戀犬之私扶服
入賀退而私省公主墓于西山邱封巖然荆棘不剪臣竊自
念孤死尚正首邱臣屬為生人托命貴主獨于死者魂魄相



帛數千里外不得掃^後春秋祭掃之誠拊心傷悔五內崩裂臣
之罪重不敢祈恩惟陛下幸哀故主使臣得寄籍原衛常
于靈影相依死無所恨上憐之留京入^後天^後妹^後弟^後
已未免武昌水災田租^後康中秦州秦安地震
海西建州降夷六人朵顏三衛降夷六十五人安置兩廣
辛酉免畿郡水災田租^後壬戌虜二萬餘騎入遼東平川錦川等堡
泰將羅克臯等禦之失利指揮劉洪臣千戶黃相李承宗百戶管振死之

乙丑徽王載堉有罪廢為庶人載堉慧巧出恭王厚熹之上
淫虐過之益伺上意所以悅帝萬方故初于徽最親王置
傳聞上起居王府中具百工精巧殊異又王善以其慧調度
之其器物甲天下王好琴嘗與知州陳吉爭斲琴事訟于朝
上為怒殺巡撫駱昂並戍陳吉及巡按御史王三聘上宮
中有須王先時獻老道者南陽梁某高輔年八十餘手甲長
數寸善導引王厚遇之進之上拜散人梁廉謹有所賜予
皆辭王使人求謝不能應使人歸惡梁于王而王不知也王
故煉女癸服之上亦須此梁馳求王不與而王方自恣盛




興土木花石作大小殿廊百餘所奪士民第舍城外塚妨行
宮掘之至七十餘塚葉飛觀數十丈自北城女牆上連後苑
為械激水入觀輪苑沼後造二樓亦數十丈皆綉窓彫戶衣
以草金文錦自擇民間美子女日淫酣又詐稱張世德走南
京四女至王庄驛吏察其幾微見王衣疑而拘之王墮垣
出庫官王章直諫斃之前後所殺亡辜二十餘人他日菜散
人侍上問徽王亡恙對曰者自南京歸有微疾上默然
會民耿安強入宮捶死安上變言王竊出窺南京形勢五
日一探上起居幸瑕隙為不軌巡撫潘恩巡按昭亦奏王

罪廉之俱有狀命奪爵幽鳳陽載輪聞之先殺其嬖妾而自
經國除

何喬遠曰初恭王雖虐然好士無與比時具饗府中食士
而較之歲大比親勸駕踰等子有司故猶得以保其國而
王竟坐荒縱無忌亡魯論謂衛靈以用賢不喪虞書戒甘
酒嗜音峻字雕墻此之謂也

設遷曰親王非反逆國不除其淫虐見罪僅謹其身未絕
封也徽自恭王諂上奉立賜號真人禍机所伏更梁散
人成之昔楚王英最先好佛以逆誅徽庶人好道亦然孔



子所以致戒于異端也然瀦宮夷社其罰已甚獨不念夫
皇高帝祖訓所著耶
免應天池太蘇松常鎮田租
丙寅免南贛汀州水災田租
丁卯山東登州地震
戊辰浙江杭州大火
學士董份侍讀瞿景淳主武關
己巳吏部左侍郎閔如霖為南京禮部尚書順天府尹汪宗
堯為通政使

庚午蔣佑嗣西寧侯

蔣傳弟

孫文棟嗣應城伯

孫永爵之子

戊寅孔尚賢嗣衍聖公

少詹事尹臺為南京吏部右侍郎侍讀潘晟為南京祭酒

十月丙戌朔日食

戊子虜十萬餘騎分掠大同紅門及老營等堡提兵孫朝等
拒却之

辛卯錄寇揚州死事諸臣故揚州同知朱褒贈通政左叅議


廕子學伊國子生餘各有差


壬辰浙江布政司經歷吳成器有父喪胡宗憲言其功奪情

國權

嘉靖三十五年

二十三





進紹興府通判

慈谿故省祭官杜槐贈光祿寺丞廕子入監父文明贈楚府

經歷並立祠

湖廣總兵官平蠻將軍東寧伯焦棟疾歸

丁酉免遼東寧夏屯租

總督湖廣川貴侍郎馮岳為右都御史總兵官石邦憲署都

督同知各仍任

己亥安遠侯柳震為總兵官鎮守湖廣

庚子許蘇松兵備叅政兼副使任環終喪

壬寅賜黔國公沐融沐鞏祭葬雖皆殤以嗣爵例卹

癸卯金星晝見四日

刑部郎中王世貞為山東按察副使

乙卯前南京吏部尚書朱希周卒字懋忠江南崑山人弘治

丙辰進士第一授脩撰遷侍讀久之逆瑾矯制奪侍讀仍脩

撰已復之進侍讀學士遷南吏部右侍郎轉禮左至尚書敦

重不安言動歷南宰謝歸以重德表式州閭躬履貞素雖老

愈介年八十四贈太子太保贈祭葬謚恭靖

倭陷詔安

國權

嘉靖三十五年

二十四

十一月丁巳陝西山丹衛地連日震城圯

丁丑廣東峒獠賊陳以明等平

己卯前吏部左侍郎兼學士謝丕卒浙江餘姚人弘治乙丑進士授編脩歷侍郎贈禮部尚書


辛巳虜打來孫以數萬騎屯于青城犯一片石分據之三道
閤提兵歐陽安拒卻之明日夜入喜峰口殺哨卒四十人知
有備乃遁

己酉大同妖賊張邦奇呂仲佑伏誅邦奇山西威遠衛千戶
應襲降虜隸邱富部下邱富周原趙全李自馨輩俱我叛人

居豐州在大同右衛邊外崇山環合水草甘美富等城而居
之構宮殿號板升華言屋也富最用事日導虜耕戰收智勇
城豐州日程土石其黨密問曰城則何為曰吾陽為植而陰
為陣使彼怠而弭耳已分三道入會虜謀言中國臺垣相肩
臂猝未易攻而閩陝游騎善戰乃散去

倭犯會稽以報沈庄之役官兵莫能禦胡宗憲軍龕山促盧
鐘戰以士疲宜少休宗憲夜召親兵龍峯破之達旦諸營方知
入賀鐘大慚服

十二月丙戌朔河南左布政使鄭綱為右副都御史巡撫定蕪



提督紫荆等關

丙申益都盜楊思仁平思仁善騎射任俠坐逮遂流劫昌樂
安邱莒州眾且五百餘人度事急潛遁竟跡捕誅二十一人

戊戌免大同電災田租

己亥刑部尚書何鰲疾免

永順保靖土兵還道掠諭今後督撫官團練鄉兵勿得輕調

壬寅施嵩嗣懷柔伯

甲辰補給許達贈禮部尚書三代誥命

乙巳夜大雪搃兵俞大猷襲舟山倭殲之斬百四十餘級餘

焚溺為盡

丙午起歐陽必進太子少保刑部尚書

丁未虜五千騎犯陝西環縣慶陽搃兵袁正等擊斬四十級

增狼山福山舟師萬人

是歲上 睿皇帝道號三天金闕無上玉堂都仙法主玄元

道德哲慧聖尊開真仁化大帝 獻皇后號三天金闕無上

玉堂搃仙法主玄元道德哲慧聖母天后 孝烈皇后號九


天金闕玉堂輔聖天后掌仙妙化元君 上自號靈霄上清

統當元陽妙一飛玄真君後加號九天弘教普濟生靈掌陰

國權



嘉靖三十五年

二十六



陽功過大道思仁紫極仙翁一陽真人元虛玄應開化伏魔
忠孝帝君再號太上大羅天仙紫極長生聖智昭靈統三元
證應玉虛摠掌五雷大真人玄都境萬壽帝君
設遷曰宋之教主道君明之大慶法王誕安最矣至追酬
罔極不自覺其邪謬也豈稱宗入廟之後猶未懺于心耶

下本氣五千龍...
西平...
黃...



國家圖書館, NATIONAL CENTRAL LIBRARY, TAIWAN, R.O.C.

國權

嘉靖三十六年丁巳 鹽官設遷孺木著

嘉靖三十六年丁巳

正月乙卯朔上不朝

辛酉南京衛僉事署都指揮僉事黃印為署都督僉事 錦衣

提兵官提督漕運鎮守淮安

丁卯巡撫浙江阮鶚改福建其浙江巡撫命胡宗憲兼理


太保宣城伯衛鐸卒贈太傅

辛未東寧伯焦棟卒贈太子太保

國權

嘉靖三十六年

國家圖書館, NATIONAL CENTRAL LIBRARY, TAIWAN, R.O.C.



乙亥故南京兵部尚書韓邦奇賜祭葬贈太子少保謚恭簡
辛巳湖廣鄖陽地震

甲申閉遷安撫寧昌平礦洞

倭數千人登福建之三沙徧掠海上至寧德殺備倭都指揮

劉焮等

貴州普定衛公署有樹花石

二月戊子錦衣衛左都督陸炳劾司禮太監李彬盜帑數十萬

計下鎮撫司獄論死籍銀四十萬有奇金寶已美

壬辰山西岢嵐地震

夜大星歷角天門入于軫至四月戊子滅

癸巳代府溧陽王聰薨

乙未城江南寶應縣

壬辰西河王奇湖薨

丁酉吏部內計

戶兵部左侍郎謝九儀沈良才自陳調南京太僕少卿劉自

強調外


乙巳李儒嗣豐城侯李熙之子

戊申南禮部尚書閔如霖漕運右都御史陳儒通政司汪宗

國權

嘉靖三十六年

二



元提督兩廣兵部右侍郎設愷南鴻臚寺卿戶部左侍郎謝
九儀各致仕總理河道右副應都御史孫應奎巡撫應天宣
府右僉都御史張景賢張渙巡撫陝西唐時英兵部左侍郎
沈良才各閑住時科道拾遺不及九儀良才等出特旨亦異
舉也

癸丑蘇鎮總兵官右都督周益昌卒

虜把都兒以數萬騎犯永平遷安副總兵蔣承勛敗沒越二
日虜遁贈承勛都督同知世正千戶立祠

虜萬餘騎陷大同拒胡堡殺守備唐天祿把總汪澗南犯威
遠平虜并坪又萬餘騎屯天城攻殺胡等堡

三月甲寅朔提督陝西曹應天為南京戶部尚書戶部右侍郎
吳嘉會為左侍郎提督漕運巡撫鳳陽蔡克廉為戶部右侍
郎陝西四川左布政使殷學黃光昇並右副都御史巡撫陝
西四川山西布政使右叅政張鎬趙忻並右僉都御史鎬巡
撫宣府忻總理糧儲巡撫應天

丁巳起王學益右都御史總理河道巡撫南贛汀漳右副都
御史王鈞為兵部右侍郎提督兩廣軍務巡撫山東劉采為
南兵部右侍郎

